





浙江圖書館



浙江圖書館



浙江圖書館



浙江圖書館





浙江圖書館




浙江圖書館



浙江圖書館



國權 卷七



監官談遷孺木著



己辛崇禎十四年正月丁丑朔張獻忠陷巴州遂犯

達州。劉澤

深為刑部尚書。故大學薛國觀奏刑科給事

中索權誣劾

出禮部主事吳昌時意上不聽



戊寅



己卯李自成破永寧殺萬安王朱鏗連破四十八寨王賊響應
眾至數十萬把諸生李巖為謀主以所掠濟飢民故所至咸

歸兵益盛

庚辰夜河南諜兵諜

辛巳

壬午

癸未

甲申上祈穀大光明殿還享大廟。張猷忠復走開縣人烟絕
 者七百里初萬元吉欲間道出梓潼扼賊歸路楊嗣昌檄躡
 賊諸軍皆向瀘州賊東返無兵不可復遏賀人龍瑛兵廣元
 不進

館

江

乙酉

丙戌御經筵。朱兆柏丘瑜為少詹事纂修玉牒

丁亥

戊子

已丑摠兵猛如虎率諸將及賊於開縣會暮雨諸將以力乏請
詰朝戰叅將劉士傑曰逐賊四旬僅而及之惟敵是求今遇
賊不戰縱敵失賊誰執其咎乎願為諸將先如虎以親兵從
之士傑奮勇搏賊連戰勝之敵患憑高見無後繼以銳繞谷
中馳軍後左軍先潰士傑及游擊郭閔猛先捷皆戰死如虎
突圍出馬仗軍符盡失賊東走巫山大昌萬元吉赴開縣收
殘兵祭陣亡哀動三軍楊嗣昌聞失利始悔不用諸將扼歸
路之謀矣

庚寅

辛卯

壬辰元夕宴百官于建極殿

浙

江

國朝
卷八
癸巳

甲午

乙未

丙申

丁酉盜掠固原監黑水監殺千總戴瑜

戊戌

己亥

庚子

辛丑李自成陷河南殺福王常洵及前南京兵部尚書呂維祺

去冬自成招亡命數百人聞福藩富潛渡河建總兵王紹禹

部卒兵與寇隱語繩引寇登城大肆焚掠執福王及呂維祺

新江圖書館

相值于西閔維祺告王曰名義為重毋自辱王色怖泥首乞
命自成責數其失遂殺之承奉崔升守屍慟哭乞賊一棺瘞
之升自殺又殺河南道副使吳橋王胤長知府臨汾亢思檜
萬曆已酉進士時群盜輻輳自成稱闖王獨雄一部同黨羅汝才稱
代天撫民德威大將軍有眾數萬雒以東屬之自成以邵時
昌為總理今守河南李仙風偁賊已去引兵至時昌來迎仙
風斬之變聞上怒甚逮摠兵王紹禹磔之籍其家妻子沒入
為奴贈胤長光祿寺丞思檜太僕寺丞蔭監
談遷曰雒陽之陷雖出慮表然守臣扞擻之謂何二十四
騎致屠全城則衣衾不戒莫夜勿恤也福恭王以神祖愛
子田租賜予獨三藩東平之風無閃睢陽之富日著嗚呼

國朝
卷八
侯之門仁義附焉仁義不施乞命躄跣至為千乘之大戒
雖蹇值未運猶不當為社稷自愛耶

壬寅黃霧四塞日青無光夜大雨嘉興城散震如裂時曰城愁

癸卯

甲辰夜山東土寇李廷寔李鼎鉉書陷高唐州時山東盜起兗州
二十餘州縣一時嘯聚唯濟寧滋陽無盜京畿道梗省直餉
數百萬俱阻于兗州東平州吏胥倡亂迎賊入城據之總兵
劉澤清破賊復其城。河南土賊嘯聚數千人封丘知縣蘓
茂相擊破之

浙

乙巳是月督師大學士楊嗣昌自夷陵沂江入四川曆三峽夔
下寇已深入川南漸薄成都嗣昌從陸至廣安

二月丙午朔鎮遠侯顧肇迹提督操江

丁未

戊申

巳酉

館

庚戌張猷忠陷襄陽初猷忠之敗官軍於開縣也即東走出蜀
從房竹走當陽鄖撫袁繼咸邀之不能止賊留汝才于鄖自
率輕騎下宜城殺督師軍使于道取其符驗直走襄陽先遣
謀入城通獄盜又偽賈運車藏兵甲入城內應詐傳楊嗣昌
令矢十八騎取餉入城夜半舉火開門千騎奄入殺襄王
及貴陽王常法其福清王常澄進賢王常淦及襄陽知府王
承曾等並遁免兵備副使張克儉推官番禹鄺日廣死之崇禎

丁丑進士掠官屬室婢發十萬金賑飢聞河南仍通李自成合攻
 開封襄陽守兵數千軍資山積盡為賊有初左良玉掠賊輜
 重畜許州為猷忠取之至是良玉在鄆後置贖孥于襄陽又
 為猷忠有良玉馳援不及

辛亥進嘉定伯周奎少保兼太子太師左都督周鑑太子太師

周鉉右都督周鉞周鍾並錦衣衛指揮同知。諭各撫按捕

蝗種

壬子張猷忠陷樊城

癸丑李存善嗣武清侯

甲寅命太監汪象坤提太和山

乙卯

浙江

丙辰黃道周解學龍獄上下鎮撫司詞連黃文煥陳天定文震
亨孫嘉績楊廷麟劉履丁養河田詔俱講學友也。光祿寺
卿石徐麟言戶工兩部題留外五二十一萬餘金十一年十
二年虧十五萬有奇皆絲帛緩罰輕與事權相隔也上是之
令嚴叅罰

丁巳

圖

戊午山東土寇掠東阿汶上時東寇益熾徐德千里白骨縱橫
又旱荒大飢民父子相食行人斷絕。李自成合群盜攻開
封開封為宋汴京完顏亮益增築堅厚五丈賊以洞車障士
傅城六之七晝夜不息鑿深者四丈有奇巡按高名衡嬰城
固守餉匱枵周王恭枵出羣金五十萬買米麥餉守陴者復

募死士斃一賊予五十金斃賊甚眾賊退數舍。李仙鳳督諸將高謙馳救陳永福背城而戰一日三捷賊退閉封解嚴已未張猷忠陷當陽邦縣

館

庚申

辛酉徐石麒為通政使呂大器為右僉都御史巡撫甘肅曾櫻

為右副都御史巡撫登萊。上疾良已進范復粹少保兼太

子太傅建極殿大學士張四知太子少保吏部尚書武英殿

大學士魏照乘太子少保傅戶部尚書文淵閣大學士陳演

禮部尚書文淵閣大學士各賜金幣。命范復粹清獄

壬戌巡撫山西右副都御史宗賢言大寧河清七日

癸亥大赦

甲子

乙丑夜張猷忠陷光州

丙寅土寇陷^河陰據之游擊高謙攻圍七晝夜拔之斬其魁

丁卯夜山西偏坎函天鳴河南土寇陷新墾尋攻息汝光山

戊辰

己巳召閣臣范復粹張四知謝陞魏照乘陳浚禮部尚書林欽
楫兵部尚書陳新甲駙馬都尉冉興讓等于乾清宮之左室
初上稍違和河安訖諭曰歲飢盜獗至陷雒陽戍福王朕不
德一至此泣下諸臣引罪興讓言此係氣數復粹亦如之上
曰非也雖氣數亦賴人事幹旋閣臣固請河南賑飢又都下
粥廠多至數十萬當設法遣歸原籍上曰待二麥熟雨豆彼

書

自歸矣出給事中張縉彥及河南巡按高名衡疏內引福世子由崧諭禮縉彥曰臣河南人也聞福世子逃孟縣衣不蔽體尚從王府官數人校尉三四十人上又泣下縉彥曰福王與德王祭墓慰問禮宜從厚上然之林欲揖請如德王例告廟慰問世子察宮眷存亡旌卹狗難諸臣下哀痛之詔給事中李燭曰督師出兵年餘惟瑪瑙山報捷恐師老矣宜另擇一人佐之上曰督師去河南數千里安能懸制爾輩須設身處地毋任愛憎燭曰惟不能懸制故乞佐將上曰已遣朱大典矣給事中章正宸奏闖賊自四川至陳新甲曰自陝西至上曰時宣大總督張福臻殺降丁雖因鼓譟然在營尚多或疑而不測卿何無責成也新甲引罪因命興讓及總督京營司

禮太監王裕民慰福世子察宮眷及狗難官兵初發帑金十萬賑山東河南真定待定至是發三萬金一千金付裕民賚賑諸宗

庚午督師大學士楊嗣昌自四川次夷陵部下請恢復不答還

萊州遣人招其家至

荆

書館

辛未巡撫陝西御史陳羽白言年來救廩久虛篋運不至為說有三曰茶道之不通從來茶商招於山陝買於川湖賣於西陲而運茶水陸不下數千里今荒寇劫掠或茶焚而空引或引劫而空商或商引茶資盡沒臣甫入境哀訴銷引者比之曰派收之不均救規列為三上戶驟馬二兒驢馬各一中戶驟馬兒馬驢馬各一下戶給兒驢不給驟馬每二年徧審改造

今買囑賄免上戶地連數頃馬無一匹下戶貧無立錫領馬
數多曰責成之不專從來中馬屬沱岷臨鞏西寧等道七監
監臣若本省則閔南隴右守巡四道四川則川北守巡安綿
兵備三道湖廣則下湖南守巡二道其職原有茶法今道路
梗塞各置若罔聞又苑寺一丞視為閑局又何怪乎茶運之
不通派牧之無法也上大是之○總督劉遼尚書洪承疇恐
薊鎮永平漢胡雜沓令總兵白廣恩屯薊鎮曹變蛟屯豐潤
俟各鎮兵出閔而後行大同提兵王樸至永平南潤夷丁叛
者千人永平兵追之溧州曹變蛟追之鴉峯橋白廣恩追之
三河東共斬一百十五級餘就撫○賀一龍左室王初因張
羅二賊遠竄豫皖兵四集故歸款揚卓然議置之潛山太湖

賊借款以緩師公行肆掠及聞襄洛陷乘機復職詔朱大典
進提督節制諸鎮兵進英霍以討之

壬申

癸酉

甲戌

乙亥

館書圖

三月丙子朔督師大學士楊嗣昌自縊二月晦嗣昌誕日宴沙
市忽左良玉檄至責視師玩寇貽患蓋良玉前欲急擊張猷
忠也嗣昌閱之不悅自受事以來連失二郡三州十九縣又
陷二親藩度必不免矧旦自徑監軍僉事楊卓然以疾聞嗣
昌字子微武陵人萬曆庚戌進士初議練兵十餘萬于各鎮

用以平胡特加練餉使浮于遼餉之數至是兼兵部尚書督師勦寇八省賜尚方劍即撥遼餉充費餉足而民怨已極庚辰叙捷加太子少保既沒上終心憐之有言其服毒死者輒謚壬午三月叙甘州叙捷贈太子太保

談遷曰武陵小有才辨偶當上意權臣將相受賑而出戈甲如林蹴張猷忠于瑪瑙山中謂寇在吾日游魂懸刻孰知潛影蔓延一發而莫之禦哉千丈之隄潰于蟻穴事無可忽也或以蜀撫邵捷春疎防致之然寇難以來未嘗陷藩封傾重鎮也今河南襄陽勢成滔天而猶追于司敗之律武陵亦厚幸矣哉

丁丑

戊寅

巳卯

庚辰

辛巳

壬午

癸未

甲申

乙酉

丙戌張克儉為右僉都御史巡撫河南

丁亥初巡按陝西御史謝秉謙貪贖右都御史鍾珮糾之逮于家自華亭道濟南會城陷不知所終至是命覈秉謙實跡。

汪圖書館

九

戊子

己丑魯王以泚捐金募兵于山東以防盜

庚寅

館

辛卯逮巡撫河南右僉都御史李仙風仙風聞之自往。夜月

食

壬辰以大光明殿隘來歲祈穀仍大享殿。李自成陷歸德商

丘知縣梁以樟逃至淮

汪

癸巳

甲午戶科給事中左懋第劾故督師楊嗣昌受事以來虛恢欺

設所至以精兵自衛在楚則徵蜀之精兵自衛而張獻忠得

入川在川則盡楚豫之精兵自衛而李自成得陷雒寧使藩

封公而身獨存社稷危而身獨安嗣昌之心尚可知哉上不

封亾而身獨存社稷危而身獨安嗣昌之心尚可問哉上不問。高名衡為右僉都御史巡撫河南

乙未

丙申提督洪承疇提兵曹變蛟白廣恩及吳三桂王廷臣等至寧遠承疇馳松山視兵將寡不足禦乃調宣府大同總兵王樸楊國柱薊鎮提兵唐通榆林提兵馬科抽練兵共七萬建人遂自義州大舉入塞

丁酉博平侯郭振明益歲祿蔭錦衣衛指揮僉事進郭起龍少保夔龍太子太師游龍都督同知可登右都督

戊戌

己亥

國權

卷七

庚子陝西三邊總督鄭崇儉下獄

辛丑逮撫治鄆陽右僉都御史袁繼咸奪巡撫湖廣右僉都御

史宗一鶴秩帶罪視事。祖大壽合諸軍擊建人于錦州斬

三十六級明日再戰建人退

壬寅

癸卯王永祚為右僉都御史撫治鄆陽。建人回杏山仍困錦

州

甲辰

乙巳海寇攻寧津三日破之殺知縣太原朱敏汗光祿寺卿魏

持衡。是春招安內丘西山餘寇

四月丙午朔立故都督劉綎祠。牛成虎為總兵鎮守臨洮

丁未

戊申

己酉

庚戌大學士魏照乘上章字訛奪俸三月

辛亥兵部主事雷演祚論故都督師楊嗣昌六罪可斬曰藩失

封陷群縣曰忝撫臣以運責曰華嚴經滅蝗詞咒銷賊曰張

猷忠入川舜袴縱逃曰賄提監軍曰交結朋黨不報。官軍

再擊建人

壬子蠲安慶崇禎十年以上逋賦以後半之。官軍力竭回寧

遠錦州東閔副總兵那木氣都司秦永順故東人遂叛降建

人東閔陷建人益攻錦州掘塹壘墻為久困計祖大壽力拒

四月餘時卷戰復東閩洪承疇進至松杏

癸丑

甲寅

乙卯

丙辰

丁巳

戊午張猷忠攻應山知縣章日輝擊却之遂掠隨州

乙未

庚申

辛酉命朝臣定楊嗣昌罪

壬戌

圖書館

浙

癸亥

甲子進丁啟睿兵部尚書督師賜尚方劍節制陝西河南四川
湖廣鳳陽應天安慶仍兼督陝西三邊軍務蓋陳新甲荐之
也

乙丑諭禮部凡知縣推官賦完始考選否則回任仍交及科貢

丙寅

丁卯

戊辰

己巳許鄉試副榜部試授官同科甲考選

庚午前大學士錢象坤卒象坤字弘載浙江山陰人萬曆辛丑
進士。張獻忠羅汝才合兵陷隨州知縣秀水徐世溥死之

汪圖

合家被殺屠其民流血成澮後贈太僕寺少卿立祠。官軍擊建人斬三十九級以水師奪朝鮮餉俘其臣李舜男等二百餘人命副總兵王武緯歸之時我遺書孔有德耿仲明尚可喜以問之不入

辛未命刑部刪正律例進覽。進外戚素祐太子少保素瑞龍錦衣指揮使

壬申

癸酉臨淮侯李弘濟卒于東昌

甲戌命成國公朱純臣新梁侯劉文炳禮部尚書林欲楫擇彤家視應天鳳泗山陵禁近地開採林欲楫荐浙江提學副使王應華同律先是有以近陵斲山代木訐告者故有是命。

新江圖書

召前大學士周延儒張至發賀逢聖入朝初丹陽監生賀順
醵金都門虞城侯氏首捐三千金餘各互輸約十萬緡以贖
大監王之心曾化淳王裕民命少侯之又踰年更醵如前之
半果再召

五月乙亥朔開封大疫。賀人龍敗賊于靈寶山中。崇明盜
顧榮犯太倉尋遁。命淮安天津徐州諸鎮總兵劉良佐楊
御蕃張汝行護漕防河

五月丙子

丁丑土寇素時中衆至二十萬自宿毫掠蒙城礦盜蟻附未大
典督諸軍擊敗之潛弄牲畜宵遁
戊寅諭祭楊嗣昌一壇閔其盡瘁也

巳卯

庚辰大學士范復粹致仕。寇陷泌陽始賊獲左良王旆幟令

盜襲以入泌陽遂陷知縣王士昌不屈死

赴督師行營

辛巳傅宗龍降為事官亦陳新甲荐之也。張猷忠羅汝才合

攻南陽冒雨穴城知府顏日愉指揮王汝章力拒之賊退日

愉力瘁卒日愉上虞人萬曆癸卯進士貢士

壬午黃錦為南京禮部尚書。南京守備南和宿方一元与安

遠侯柳祚昌迎詔爭叙次祚昌曰我侯也一元曰奉勅守備

當我先御史詹兆恒以聞礼部謂朝儀序爵至職掌權屬簡

命自宜先守備

癸未

甲申巡按陝西御史陳羽白以歲荒求各監免解京馬二百三十匹不允

乙酉

丙戌設徐臨津通四鎮以護漕總督河道張國維改兵部石侍郎提督徐州臨清天津通州漕餉川東寇熾故也

丁亥

戊子

己丑

庚寅南京少詹事華祺芳罷言官論其修要典媚璫也

辛卯

壬辰召兵部尚書陳新甲于中樞殿時祖大壽圍于錦州五閱

汪圖館

月建人填濠掘塹教援斷絕有四卒間出云城粟足支半年
 第之薪傳大壽語宜車營逼之毋輕戰提督洪承疇集兵數萬待
 援未決上憂之問新甲計將安出新甲求退与閣臣及侍郎
 吳牲提督傅宗龍酌議請遣司官面商于承疇有十可憂十
 可議祈皇上察報從之遂命職方郎中張若麒往。武進士
 貴池吳道周言翰林推巡撫恐暗戎事忤旨削籍

癸巳

甲午赦傅宗龍罪以兵部右侍郎兼右僉都御史仍充為事官
 總督陝西三邊軍務

浙江

乙未

丙申

丁酉搃兵列良佐簡銳自義門追擊五十里賊逸深林良佐以
輕兵追討賊扼險官軍以火炮擊之賊大奔自義門至界溝
二百里屍仗滿阡時中以數百騎宵遁北走河南所獲兵械
山積。泰安土寇十餘萬掠兗州所至淫燹聞青州兵至遂
走邳州焚南郭至沙溝屠僂嬰穉不遺

戊戌官軍擊建人敗之

圖

己亥薛國親侯訊至京奏辨不聽

庚子土寇犯徐州焚北關其掠南沙河店者燬漕舟十六艘復
入東平州圍豐縣徐州賊合之攻益急東平賊首李青山屯
于梁山

辛丑前巡撫湖廣右僉都御史方孔炤同妻戍邊

國朝

壬寅

癸卯寇陷信陽

甲辰

六月乙巳朔太山盜萬人窺兗制禦卻之

丙午

丁未

戊申

己酉

庚戌賀一龍左金王陷宿松英山朱大典駐師壽州會軍進勦

賊聞合屯于潛山

辛亥

館 圖 汪 浙

壬子

癸丑

甲寅

館

乙卯劉廣生為南京刑部尚書史可法為戶部右侍郎兼右僉都御史總督漕運兼巡撫鳳泗淮揚惠世揚為刑部左侍郎徐耀為左僉都御史。兵部尚書陳新甲屢陳敵情欲出兵塔山趨大勝堡攻敵營之西北出兵杏山抄錦昌攻其北出兵松山渡小凌河攻其東又正兵出松山攻其南命下行營議之承疇雖統八鎮兵僅白廣恩馬科吳三桂敢戰若分三將于三路慮衆寡不敵兵分勢弱洪承疇請且戰且守略曰久持松杏以資轉運且錦州守頗堅未易撼動若敵再越今

秋不但敵即朝鮮亦窮矣此可守而後可戰之策也今本兵
議戰安敢遷延但恐轉輸為艱鞭長莫及國體攸關不若稍
待使彼自困之為得也上是之而新甲執前議職方郎中張
若麒躁率喜事見小勝為圍可立解上密奏命留閔外料理
新甲東承疇曰近接三協之報云敵又欲入塞果爾則內外
受困勢莫可支台臺出閔用師年餘費餉數十萬而錦圍未
解內地又困何以副聖明而謝朝中文武諸人之望乎承疇
既激於新甲又奉密勅刻期進兵新甲荐前綏德知縣馬紹
愉為職方主事出閔贊畫若麒紹愉並謂我兵可戰遂不用
承疇持久之策

丙辰

丁巳

戊午

己未

庚申

館

辛酉巡按陝西御史陳羽白奏自漢中至徽州惟白水江為咽喉
 自徽至鞏昌惟秦州三十里店為遠中孔道其三十里店
 移秦州守備駐札若白水江置口旧設守備兵八十人今弃
 信地宜還戍兵二百人馬二十匹下至略陽上至徽州護送
 官茶沿途荒濶酌築房舍十餘寄茶從其奏

壬戌

癸亥

國

卷

七

甲子

乙丑故都督杜松子祭墓。命法司定薛國觀罪

丙寅

館

丁卯在繫故刑部右侍郎蔡奕琛言去夏六月同邑諸生倪袞
贅于復社盟主庶吉士張溥之門歸見知縣丁煌誇溥大力
可力致人禍福因言及臣旦暮有禡煌怪之舉以相告未幾
而王陞彥誣臣矣一里居庶常結黨招權豈不異哉上令丁

煌指奏

戊辰

浙

己巳

庚午

庚午
辛未

壬申總督漕運朱大典請專徵本色可濟兵便民從之其麥折
米豈不許

癸酉

館

甲戌是月兩京山東河南浙江旱蝗多飢盜。張猷忠李自成
不相下羅汝才亦忤猷忠猷忠犯鄭西自成汝才分兵下東

東南

七月乙亥朔

丙子

丁丑

戊寅臨清運河涸

浙江

圖

國產

卷

八

己卯張獻忠圍鄖陽官軍禦之多殺傷乃遁

庚辰責南京吏部京察愆期尚書涂國鼎吏科給事中屈動御

史葉樹聲言道梗。賀一龍陷潛山遂圍麻城督師丁啟睿

大敗之斬一千二百級解圍遁

辛巳

壬午

癸未

甲申蠲霍丘逋租

乙酉

丙戌上御經筵以錦州事問兵部以近日無邊報且曰此一舉

也解圍固為勝策但吾未離險朕甚憂之。新樂侯劉綎祖

浙江圖

也解圍固為勝策但吾未難險朕甚憂之。新與後並儲在

毋徐氏夢孝純皇太后勸上仍法膳奏之蓋上嘗蔬食。傅
淑訓為右都御史行戶部右侍郎事催餉以巡漕御史吳邦
臣稽運速之

丁亥召賜正一嗣教大真人張應京于會極門

戊子

己丑

庚寅

辛卯鄭兵与張猷忠戰敗績猷忠遂陷鄭西斷鄭兵一手縱歸

以辱官軍

壬辰

癸巳

館書圖

浙

國產

卷二

十九

甲午

乙未

丙申

丁酉

戊戌宴衍聖公孔胤直五經博士孟聞玉

己亥蔡奕琛又奏庶吉士太倉張溥故禮部右侍郎常駿錢謙

益倡復社明陷及臣念溥謙益各具奏初無錫東林書院萬

曆中三吳士大夫林居誦學及援引登用目為東林黨崇禎

初吳中士人締復社選義刊布海內科第遞進援引更廣。

蠲襄陽逋租

庚子洪承疇誓師援錦州時職方主事馬紹愉練車兵議戰

館

書

庚子洪承疇營師援錦州時職方主事馬紹愉練車兵議舉

辛丑

壬寅洪承疇進兵

癸卯至松山夜見建人屯乳峰山之東傳令官軍中夜登乳峯山之西角其勢乳峰山距錦州五六里俛視如几席砲石相應又東西石門並進兵以分敵勢俾腹背受攻立車營環以木城部署略定建人大駭初蒙古道人自建州逃出云彼今秋不得錦州議撤兵歸因朝鮮糧盡騎日二餐步卒一餐而建人苦餉少流言入三協以張之今兵陳新甲信張若麒馬紹愉之言趣戰

浙

八月甲辰朔命山東副總兵黃胤恩海運萬三千石淮揚召買八萬石吏部言漕運宜摠督淮上宜重臣分任之當以史可

法提督漕運朱大典提督鳳陽報可

乙巳陽和提兵楊國柱營未定敵盛之敗沒敵誤入車營礮大發斬敵百三十級獲王子及固山牛鹿二十餘人遂以李輔明統楊國柱兵祖大壽分步卒三道突圍。三重攻穿其二隔於外援而止張若麟麒報宜廟告宣捷任意誇詡而不傾其後也

圖

丙午許定國為提兵鎮守山西

丁未崔源之為右副都御史巡撫延綏。故巡撫四川右僉都御史邵捷春獄死上疑刑部追解責其奏

戊申

己酉

庚戌

辛亥夜賜故大學士薛國觀死誅中書舍人王陞彥各籍其家
國觀字家相韓城人萬曆己未進士坐贓九千餘金沒田六
百畝故宅一區妻子不能償棲于城隅初國觀免官命伺其
邸則陞彥至執下獄陞彥為吳時昌甥臨兵曰此舅氏所作
我若有言即累名教矣

楊士聰曰薛國觀之用烏程徐荐之故以僉憲驟登府政
上嘗與韓城言及用匱對以外則卿紳臣等任之內則戚
晚非出自獨斷不可因以李武清為言遂密旨借四十萬
金再萬二駙馬各一萬周田等近親不與焉李氏督之日
亟武清死復及其子國安追治家人久之國安亦死追比

未已周嘉定以兒女姻上疏奉嚴旨于是李氏盡鬻其資內閣中書楊餘洪周國興亦李氏親也教之曰現產既盡即不上納其如之何韓城密以明年終舉劾兩房官刺二人因任命各廷杖六十既死是時咸曉人：自危後因皇五子病亟造為九蓮菩薩之言傳諭停止追比復武清侯爵念此事由韓城發端欲誅之以謝孝定在天之靈會素愷疏糾韓城遂有成何糾章之旨朔日列款以進矣上意先定鍛鍊成獄遂令御史郝晉勒自盡韓城將死曰吳昌時殺我其實韓城之死始末如此非盡昌時之力也僅坐贓九千金將何以處嚴分宜韓城之陰賊險狠死有餘辜但不正名其罪而以懸坐之贓殺之何以服人時政之不平無

甚於此矣

談遷曰陰賊險狠莫如烏程而韓城遠未之逮獨以疎伎
之性岸然自是取忌含沙無端一功曹蠟進見沮誅及政
府易曰鼎折足覆公餗其刑渥韓城固自貽伊戚也而國
家心膂之任于焉盡喪識者未嘗不為之三嘆也

建人攻乳峯山營禦卻之連日再攻再却之

壬子官兵分兩路攻西石門搃王兵撲戰敗各將俱沮

癸丑官軍稍捷建人自是不復出請濟師矣馬紹愉請洪承疇
宜乘銳出奇擊之可以壯錦毋待援師之至承疇不納而長
嶺山自塔山迤邐至錦州延松山_城之石大同監軍張斗言宜
駐一軍于長嶺山防其抄我後承疇亦不納且曰我十二年

老督師若書生安知

甲寅

乙卯

丙辰卜應第為平羌將軍搃兵鎮守甘肅

丁巳官軍戰東西石門不利

戊午

己未

庚申再戰稍捷

辛酉上幸太學以重修告成也真浙人張應京請扈從臨雍先期

司禮太監王德化奉命率羣臣習儀太學前此未有也。命

恭順侯吳維英搃督京營。建主榻竿以三千騎來援午刻

館 壽 圖 汪

據長嶺山自錦至南海建人濬溝壘土指日間濠深八尺廣丈餘凡濠三重官軍反困于內聲言困松山城洪承疇逆其詐不動

壬戌官軍連戰三日俱利

癸亥

書 館

甲子合戰官兵塞其大旂三進斬九級建主曰南兵殊異他時將議旋師故將孔有德等止之

乙丑諭礼部宋儒周子兩程子朱子邵子有功聖門與漢唐諸子並稱子先儒朕心未安其議之。許江北麥代田租。起劉澤清右都督提兵鎮守山東。建人攻松山斷餉道蓋乳峯在錦城外而松山又乳峯外也官軍餉乏洪承疇詔其下

曰敵兵新舊遞為攻守我兵既出亦利速戰當各勅厲本部
力聞余身執桴鼓以從事解圍在此一舉而諸將議回寧遠
就餉薄暮張若麒與承疇書曰我兵連勝今日再鼓亦不為
難但松山之糧不且三日今且敵不但困錦又復困松山各
帥既有回寧遠支糧再戰之議似屬可允于是諸將議不一
各懷去志承疇曰往時諸君俱矢報效今正其會雖糧盡被
圍宜明告吏卒戰亦死不戰亦死若戰猶可幸萬一不肖決
意孤注明日望諸君悉力方送諸將出搃兵王樸怯甚已先
遁于是各帥爭馳馬步自相蹂踐弓甲徧野望火光謂敵在
不之前去還為伏甲所截大敗潰搃兵曹變蛟王廷臣突入
松山巡撫遼東丘民仰誓與承疇同守承疇夜留兵三之一

嬰城其二決圍衝陣建人邀之尖山石灰窰我以力戰建人
暫卻俄雲合不得入城移屯海岸盡沒於潮免脫二百餘人
獨白廣恩還松山若麒紹愉得漁舟偕諸監軍逃至寧遠奏
承疇失計棄自免也是役也輕進項師進不能突圍退不能
善後形見勢詘彼全力制我遂使重臣宿將選卒驍騎十萬
之衆覆沒殆盡則張若麒一言誤之也或曰兩軍隔一山而
陣方交鋒官兵銳甚敵亦力禦喝卒急撤後隊間道突我後
遂致大潰

談遷曰蜀人陳盟記建州事云絕松餉道營南山唐莊為
困松計我兵方盛或請以精銳決戰而方夾擊分兵襲南
山可以得志否且退保杏山杏山去松僅一舍徐圖制勝

彼必走洪承疇皆不能用職方郎中張若麒以督戰至于
與洪不協言無得入洪以松小不能頓多兵乃令各帥回
杏山就食其說蓋出鄉人馬紹愉歸獄總督非確案也大
敵在前豈有退師就餉之理曹彬敗于岐溝宋太宗尤之
正以此洪總督有激而出宜乘待援賈銳突圍否則分
屯長嶺山接我餉道計之次也噫自遼難以來懸師東指
決十萬之衆于一戰惟揚鎬與洪氏鎬分兵而敗洪氏合
之亦敗其失並也然乳峰之役駸駸有勝勢相持未決旬
重圍未解先發者制人後發者制于人語不虛耳時宜興
再召故帥杜文煥就謁曰相多入朝願首以松山為急國
家安危係焉舍此無可措手矣宜興視之蔑如也九塞之

精銳中國之糧芻盡付一擲竟莫能續禦而廟社以墟矣
思之思之陳新甲張若麒輩其肉豈足食乎

丙寅

丁卯

戊辰

己巳巡按陝西御史陳羽白上籌牧八策曰有地無軍合七監

牧丁額一萬六千有一百有奇今不上三千者若行原籍勾

補將三五年來得終事乞將招撫餘民能自買騾馬一匹許

即承牧地三頃給照永二曰有軍無馬審有力者買騾馬一

求歲騾駒稍力者兩軍共買一候騾駒分養無力者兩軍共

買一官貼其三分之一曰有馬無駒請月稽之或前月定次

書館

月定再次月定監官登冊扣某月應生至期稽核無則追補
為季報曰羣內混養舊例群五馬騾馬四兒馬一今群內騾
馬斃不買補輒養驢馬于孳生何裨也今不許混養驢馬曰
換賣倒斃曰種馬無資七監每騾馬領地歲科銀六錢合七
監共二千一百七十一金五錢七分供靖虜兵餉今無種馬
或權留兩年之解使本軍貼買田京例年例七監歲京馬五
百匹蒙免二百七十匹尚解京馬二百三十匹宜稍寬此二
例曰策應安定廣寧開城黑水皆西屬國原萬安清平武安
皆東屬平涼各有叅游營可以策應上以種馬無資閔額餉
京例年例閔額解俱不得輕議餘從之羽白又奏臣聞安定監
舊報馬五百五十一匹今存四百二十四匹廣寧監舊馬六百

四十八匹今存二百八十一匹武安監四十八匹今存二十
二匹清平監舊馬二百七十四匹今存十一匹萬安監舊馬
四百四十一匹今四匹黑水監舊馬七百五十二匹今七匹
開城監舊馬一千九十三匹今二十六匹四監之馬不上五
十匹詰之非曰寇掠則曰餓斃非曰監城不保則曰救軍併
盡察清平兩經寇陷監正游之雲飢死餘官乞付處分

庚午

辛未

壬申

癸酉

九月甲戌朔

浙江

圖

乙亥

丙子

丁丑

戊寅提督陝西兵部右侍郎傅宗龍率兵四萬自新蔡渡河與

保定總督楊文岳合兵趨項城是日李自成亦渡河走汝寧

伏於孟家莊

圖

己卯官軍遇之大敗提兵賀人龍虎大威北奔李國奇從之賊

攻二督營以火礮却之保定兵宵潰文岳夜奔項城宗龍固

壘力守

浙

庚辰傅宗龍檄賀人龍李國奇還救不應遂奔陳州被圍僅部

卒六千乏食殺馬騾以享軍後盡乃殺賊屍分啖之

館

辛巳改東廠銜提督京營曰稱提督

壬午

癸未命福世子由崧還河南

官

甲申以楊繩武為兵部右侍郎兼石僉都御史提督閩薊道津
通軍務以洪承疇受圍故代之。列宗周為吏部左侍郎。

大學士周延儒賀逢聖入朝仍直文淵閣

乙酉

丙戌

丁亥夜月食

戊子

己丑

浙江

國產

卷二

廿七

庚寅

辛卯提督傅宗龍出戰先以川兵臨陣慮步不能禦騎令移於

後陣亂李自成乘之官軍大潰

壬辰傅宗龍走項城未至被執罵死之遂陷項城屠之分兵屠

商水扶溝宗龍字仲綸昆明人萬曆庚戌進士詔復兵部尚

書贈太子太保世錦衣百戶。封皇子慈炯為定王

癸巳

甲午

乙未

浙江

丙申諭吏部曰邊患方殷司農仰屋無措官眷釀弊最深無知
如權閥近以道薊等餉少有增加擬取盈于羨餘非苛求于

商旅乃婪官濫科潤私朝廷當考課之虛名司閔享侵牟之
厚利蠹國病商良可痛恨以後各閫差闕不必循例差委着
九卿翰林科道及督撫巡按各舉至清之官在京如中行
許博在外如府佐推知但繫行已潔清聽其保舉授以權差
年滿取入不限舊額辭部立與清華仍儲銓憲之用保舉官
一体加陞如苛歛飽私保舉連坐。左良王大敗張猷忠于
信州陽得馬萬餘匹降數萬人猷忠僅百餘人易服夜遁佯
死匿山中良王軍散大震羅汝才去浙川以合于李自成時
自成兵五十萬故汝才附之

浙

丁酉

戊戌李自成羅汝才合兵破葉縣教守將列國能初國能与自

成汝才盟而盜國能降恨之至是乘勝拔城責負約國能按
劍罵曰我初与若同友今王臣也奈何從賊遂遇害葉縣知
縣張我翼亦被殺詔贈國能左都督國能性至孝就撫乃奉
其母命也

己亥

庚子

辛丑

壬寅

書圖汪

十月癸卯朔改陸朗李維樾熊汝霖陳泰來韓如愈高翔漢李
士焜戶工科給事中催漕徐殿臣左光先金毓峒李仲熊王鼎
鎮高允茲馬孔健鄭崑貞李悅心劉之渤衛貞國朱奉鉅陳

蓋楊仁愿霍連潘世奇為監察御史

甲辰

乙巳

丙午日食

丁未

戊申

巳酉

庚戌

辛亥

壬子葉廷珪為兵部右侍郎兼右
都御史巡撫遼東寧錦
癸丑

浙江圖書館

甲寅

乙卯

丙辰吏科給事中沈迅言起廢諸臣除逆案封疆贓罪計典外
從來廢籍宜清察臚列悉聽上裁從之

丁巳

戊午御史鄭崑貞上言自建人據義州前撫臣方一藻進復義
之策當事闇於機已而建人圍錦州矣其圍錦也深溝以困
之蓋誘我之兵萃于此若有啟疆之謀欲解錦圍須俟其相
持稍懈暫出奇計以驅之豈有統全軍而注之孤危之地首
尾全無顧應墮其術中如今日者昨樞臣會議云寧遠見兵
三萬撫鎮皆得人夫兵三萬非不衆也今圍城析骸之餘望

救中國即長圍未解建人亦未敢突窺寧遠是張救錦之兵
正為守寧之策若鎮撫不敢越寧城一步萬一建人以因錦
者反而困寧則區：寧遠其不豈為閔門之蔽明矣。張獻
忠收餘盜數千走鄒陽驟遇官軍不戰而潰弃馬騾二千敵
忠負創部曲日逃僅隨數百人

巳未

庚申

辛酉

壬戌

癸亥

甲子

浙江圖

乙丑

丙寅

丁卯

戊辰特設裕國且民科奇謀異勇科訪求徵辟稱朕破格旁求之意

館

談遷曰漢文帝好黃老而民安武帝好制作而民困在人主寬簡不在破格之法也先帝時稱法祖于累朝條例紛更已極而不得其源事多繁苛民多愁怨旱疫飢饉無歲不徧凶形已摩而猶焦神極憲覲倖异才不亦憊乎

秦安土寇田得茂等數十人轉攻濟陽諸縣。復遣太監慮九德刘元斌率京營兵入河南九德与搃兵周遇吉黃得功

合追賊于鳳陽及之元斌駐歸四德南十里日不進城門晝
閉縱諸軍大掠殺樵汲冒功已而欲攻城索賂乃免。是月
張猷忠掠桐城。糾馬守應賀龍左金王諸賊自霍山復
出。左良玉兵至臨穎民為賊守良玉屠之盡獲賊所掠李
自成怒來攻良玉退保鄆城

己巳

庚午

辛未

壬申

十一月癸酉朔提督太和山太監陰象坤毆均州諸生蔣德懋
孚下獄死巡撫宋一鶴以聞上責提學僉事高世泰世泰引

浙江圖書

咎且奏象坤初至謁文廟倣按臣禮坐明倫堂講書士林哂之因搆釁命下巡按御史彼內臣謁廟講書果故事否

甲戌命禮部上定王出閣儀註。館。余璫為南京兵部尚書張尔忠為右僉都御史巡撫陝西

乙亥

書

丙子李自成陷南陽殺唐王於麒麟閣分守道叅議艾毓初搃兵劉光祚南陽知縣姚運熙死之初牛金星荐浙士宋獻策于李自成封軍師獻策永城人言十八孩兒當主神器必先取南陽為入秦計遂圍之艾毓初與劉光祚竭力拒賊食盡援絕毓初題於城樓有蒼弘化碧非奇事留取孤忠向九天之句遂自縊光祚遇害於城上初寇已入南門遠總督楊文

岳兵至遂出項之文岳去南陽仍陷太監列元斌聞變乃擁
婦女北去俄命御史清軍元斌倉皇皆沉之于河自成安意
窺鼎下令召四方賊目連營馬盡忠不從降於左良玉張猷
忠知將不利于身由楚入蜀羅汝才從之合圍汴梁以天下
之中囹天下者所必爭也。贈運熙河南撫按察僉事詩乃

劉熙祚所作此因光祿而誤入也見
十六年九月庚申國壽錄亦作熙祚

丁丑

戊寅

已外禁朝臣私探內閣通內臣于是待漏俱露立毋敢入直舍
楊士聰曰兩闕及承天門端門懋豆之地皆不得入其實
交結內侍不在以也此等中官有何可結彼密通與援在

汪

不見不聞有以千百計者孰從而致詰乎

庚辰

辛巳

壬午

癸未進周延儒少師兼太子太師中極殿大學士廕中書舍人

甲申

乙酉

丙戌

丁亥

戊子兵部左侍郎吳牲巡視京營戎政宋致為工部右侍郎馮

元颺為右僉都御史巡撫天津

浙江圖書館

已丑

庚寅

辛卯上南郊。豐城侯李開先言賦役全書設而往往課欠何也。浙直之弊半在奸胥百姓則不少分毫奸胥侵漁任其影染一遇赦除則百姓不需奸胥飽腹雖計部叅罰司牧降謫猶不能窮蓋頭緒多端條銀外有遼餉有練餉至各省修城置器並無他出亦必派之田畝吏書借為生涯差役因之營活地畝之出幾何終歲勤動且不足以完賦而竟竭力以供蠹吏貧民不安其身而富民咸怨其產矣。遼東大雪丈餘建人糧芻俱盡將解圍而歸慮官軍躡之俾蒙古入闕求和兵部尚書陳新甲之信張若麒之言許之

國林

卷七

壬辰

癸巳

甲午

乙未

丙申

丁酉

戊戌

己亥

庚子

辛丑

十二月壬寅朔



浙江圖書館

癸卯許潛山宿遷太湖各縣輸麥代漕米懷安桐城望江亦如
之淮十之六

甲辰

乙巳上閏寒許刑部囚保外限二月出獄。李自成陷襄城執

知縣曹思正邑人知府姚成性以去守將李萬慶死之詔贈

都督同知立祠即降將射塌天也。前刑部尚書甄淑卒于

獄

丙午

丁未

戊申

己酉

浙江

館

庚戌李自成連陷涇州許州長葛通許鄆陵鄆陵知縣慈谿判
 振之力詘衣冠入縣治北再向拜自刻典史杜邦舉被殺振
 之字而強崇禎庚午進士贈太僕寺少卿蔭監

辛亥

壬子

癸丑

甲寅

乙卯

丙辰

丁巳土寇陷張秋鎮通判馬元善遁其寇即降盜也

戊午



浙江圖書

巳未

庚申山東總兵劉澤清大破李青山于石萊山

辛酉

館

壬戌

癸亥傅淑訓為戶部尚書馮元颺為兵部左侍郎朱國楨棟以

兵部右侍郎出鎮昌平熊奮渭為南京戶部右侍郎兼右僉

都御史總督糧儲

甲子黃道周戊辰州衛解學龍涂仲吉並戊之初刑部尚書劉

澤深擬道周瘴戍再不允因言道周之罪前兩疏已嚴矣至

此惟有死：生之際臣不敢不慎也自來論死諸臣非封疆

則貪酷未有以直言誅者今以此加道周道周無封疆貪酷

國林 卷七
之夫而有直言蒙僂之名于道周得矣非我皇上無不覆無
不載之心也且皇上所疑者黨耳黨者見諸行事相聚訟言
乃為植党道周上疏空言無當睿照一臨肝胆寒裂解學龍
始末豈不相与今且短之烏有所謂黨而煩朝廷之大法耶
去年行兵時忽傳旨停免今皇上豈有積恨于道周萬一轉
圜動念而臣已論定噬臍何及所以當此死生之間不敢不
慎亦惟恩威出自皇上仍以原擬候裁從之

乙丑

丙寅

丁卯

浙

戊辰董象恒為右僉都御史
巡撫浙江蔡懋德為右僉都御史

巡撫山西陟世廕為右僉都御史巡撫安慶。諭停內操提督忠勇營太監楊進朝所部三千人值大祀仍防護。李自成羅汝才合攻開封七日夜周王盡出庫金犒師被傷者甫殺賊同賞巡撫高名衡總兵陳永福等力守永福射中自成損一目生馘三十三人斬一千七百十八級城乃克全自成退屯朱仙鎮去開封四十里內鄉鎮平唐縣新野各降鄧州知州劉振世郊迎五十里舉家從之寇授鄉民金鑿令鑿城又穴城為窟突以藥引火發之城震壞然官兵嚴守兩月不能克

己巳勅內臣神宮等監及各司局庫等毋干外政并戒廷臣交結。群狼入內丘城食人。飢食草寔

庚午

壬午崇禎十四五年正月辛未朔上朝畢召大學士周延儒賀筵

聖謝陞入殿曰古聖帝明王皆崇師道卿寺即朕之師也今而調和燮理真安宗社惟諸先生是賴命東向立上降座西向揖之各媿謝。初遼東寧前道副使石鳳臺領建主意欲和馳書諭其守將。報云此慙素心也鳳臺遽以聞上以私遣辱國下鳳臺刑部獄至是謝陞語同列曰我力竭矣款建人以勦寇鳳臺言良是同列亦然之乃屬兵部尚書陳新甲微言于上謂兩城久困兵不足援非用間不可上曰城圍且半載一信不達河間之乘可款則款不妨便宜行事上以問閣惟謝陞曰彼果許款。亦可恃新甲荐贊畫主事馬紹愉

可遣從之加紹愉職方郎中賜二品服上深祕之外廷不知也

壬申

癸酉

甲戌

乙亥上南郊省牲

丙子享大廟。山東盜平俘李青山入京青山本屠人乘飢嘯

聚數萬人屢寇兗州給事中范叔恭左長史俞起蛟拒之戰

敗逃山谷中跡捕之

丁丑職方郎中馬紹愉偕叅將李御瀾周維壘馳寧遠通使於

建人建人請勅為信乃復請于朝勅曰朕聞瀋陽有罷兵息

民意美向來沿邊督撫未經奏聞又曰朕不難開誠懷遠如

館

書

江

我祖宗朝恩義聯絡之舊建主唱竿見之謂歷朝勅書在朔
漠皆龍邊箋黃色而此箋色米中橫一龍且往時璽方其篆
勅命之寶而今皇帝之寶稍長為邊吏偽作并怒勅中語馬
紹愉以聞

談遷曰石鳳臺誦款蓋逢本兵意雖自干大戾而在邊臣
私遣則賈似道襄樊之事也遷辱天使降明詔他無委曲
高新鄭革而在當不其然况松山失利之後更取其侮陳
新甲謀國以尸居餘氣其何振之有

戊寅

乙卯

庚辰上祈穀大享殿

辛巳李自成復圍開封巡撫高名衡搃兵陳永福力守賊鑿城
磚可容酒缶即注之火藥曰小放窟城縱橫及丈運火藥竇
之一發蔽天曰大放而開封城宋人所築也土堅而剛寇之
穴城也磚土堆于外內堅外浮火藥發反向外擊磚土陷空
數千騎殲焉寇駭而徙搃督丁啟睿率總兵左良玉擊賊朱
仙鎮與賊將劉宗敏李自成力戰大敗之自成同之拔營南去
。寇陷潛山殺知縣李胤嘉後贈太僕寺少卿
壬午起鄭三俊刑部尚書進太子少保。寇陷巢縣
癸未

甲申御史日維噪劾兵部尚書陳新甲失職乞令其舉賢自代
上以松錦需救甚急不得輕諉。督修曆法光祿寺卿李天

經上壬午七政新經緯新曆

乙酉戶部請覈戶口田畝從之

丙戌

丁亥聞錢塘浮梁鄱陽遏糶命撫按禁之。浙江：山盜起。

許淮安揚州輸麥抵漕粟

戊子

己丑上躬耕籍田

庚寅提督楊繩武自薊出師

辛卯起孫傳庭原官提督京營勦寇王承胤為總督京營援勦

提兵御史郭景昌職方員外郎蘓京俱監軍。御史楊仁愿

言臣讀勅諭中文結內侍之律因稽高皇帝初無所謂東廠

館 書 圖 汪

緝事衙門不法之事止于明科無陰許也神宗時東廠之門
鞠為茂草元氣日培今城臣待罪南城所見詞訟多為假番
妄稱東廠則魂魄俱搖况其真者乎此由積重之勢然也如
比較事件則番役即懸價以買事件甚至誘人作奸挾仇首
告餌人以陷禍擇人而肆喙惟恐其不為惡又惟恐其不罹
吾網揆之皇上泣罪解網之心豈不傷哉伏願先寬東廠事
件而後比較可比較緩而後買事件與賣事件亦息抑臣復有請
焉如臣子獲罪初撫按以檻車送詣闕下未為不可若一遣
緹騎有背者家門破散無背者地方歛餽如使其罪可贖則
留彼餘財以贖罪如不可贖則妻子衣食賴之自非臣惡聖
明亦豈忍籍沒哉上諭東廠止緝謀逆亂倫其作奸犯科自

有司存不必概捕

壬辰罷提督京營內臣

癸巳

甲午

乙未斬黃賊為禁兵截殺走合李自成盜魁賀一龍馬守應賀

錦刘希堯蘭養成並屬之惟一龍守應各領所部聽令而頗

与羅汝才厚自成忌之

丙申提督閔薊道津兵部右侍郎兼右僉都御史楊繩武卒于

豐潤贈尚書

丁酉

戊戌吏部尚書李日宣奏起廢諸臣命自崇禎元年以來並列

館

書

圖

王

浙

之

己亥

庚子蠲各省直崇禎十二年以前蠲茶諸稅。副總兵黃胤恩言先朝開膠萊河俱山根難施五萬之功臣今密察其功南北橫計二百四十餘里潮水深八百餘里又河溪湖畔量後即可通潮者百里此外崩骨不可鑿約四十里過此利涉即由茲嶺為盤剝之地計淮揚運膠河空舟接至萊河其間通浚小河廣造小船如通州抵壩故事于嶺上建倉駕車做古河陰洛口之運待回尖受裁可也。是月上齋于南城。賀一龍左金王諸寇自霍山六安分道出掠

二月辛丑朔

國朝 卷二

壬寅

癸卯

甲辰

乙巳

丙午命大學士周延儒清獄。前撫治鄆陽石僉都御史袁繼

咸遣戊

圖

館

丁未楊文岳仍提督保定山東河北兵部右侍郎兼石僉都御

史戴罪自劾范志完為督師兵部左侍郎兼右僉都御史提

督遼東寧錦軍務兼巡撫遼東賜尚方劍。金光宸為右通

政

戊申發二萬金賑山東飢。戒錦衣衛校尉奉使需擾。徐州

知州紀天祐逋賦懼罪自刎

巳酉

庚戌御經筵。免崇禎十二年以館上贓罰豁罪從刑部左侍郎
惠世揚之請也。詔免十二年以逋租

辛亥

壬子總督陝西三邊兼督援勅兵部右侍郎汪為年至襄城喬
年在鎮發李自成光塚得蛇率總兵賀人龍鄭嘉棟等出閩
斬蛇以狗誓師聞自成圍左良玉于郟城乃兼程進由步兵
火器營以輕騎萬餘抵邦縣襄城貢士張永祺避難河北回
經邦縣時喬年以襄城新破疑不進永祺請先之以告邑人
邑人出迎喬年于八里營為年屯兵城下立營未定自成兵


已薄汝水上方接办賀鄭二將先逃兵大潰喬年以數百人入城以守。衛景瑗李鑑為右僉都御史巡撫大同宣府

癸丑定王出閩就學。命孫傳庭仍兵部右侍郎兼右僉都御

史總督陝西三邊軍務張福臻為兵部尚書兼右僉都御史

總督閩浙通津軍務部議分兩督福臻駐薊州范志完出閩

甲寅許嘉定上海豆麥折漕



乙卯張猷忠入亳州官吏先遁賊安行入城

丙辰

丁巳襄城堅守五晝夜而陷總督侍郎王喬年自刎未殊被執

見殺知縣永寧謝三元死之李自成恨諸生執百九十餘人

盡剝之又購張永祺永祺匿時夢黃姓救免之果一賊出

之黃姓也賊屠永祺族人九家以洩其忿墮城而去喬年字
歲星遂安人天啟壬戌進士變聞贈兵部尚書蔭錦衣衛百
戶時精兵猛將俱集閤門止留三邊疲卒以勦賊喬年以赤
心遇害三秦士人私謚曰貞烈公賊乘勝陷魯山寶豐邦縣
邦令李貞佐罵賊曰驅百姓死守知縣耳安殺何為賊磔之
毋喬氏及妻皆死魯山令楊呈秀寶豐令張人龍皆死之李貞

佐事又見十六
年二月癸未

戊午上南郊

巳未

庚申

辛酉

浙江

壬戌

癸亥

甲子

乙丑

丙寅榮昌公主軒璜請賜祖上青有司急玩。賀一龍陷全椒

丁卯

戊辰

己巳

三月庚午朔邳錦州陣沒戰士六金。李自成羅汝才合群

盜八十萬圍陳州兵備副使閔永傑知州侯君擢率士民死

守力竭城陷死之鄉紳崔泌之貢士王受爵咸罵賊死賊怒

江圖書館

屠陳州永傑隴西人辛未進士贈光祿寺卿君擢成安人辛酉貢士贈右叅議。刑科左給事中沈胤培言松江知府方岳貢治郡隄十二年真清真執王陞彥以糧事仇詆皇上或名廷臣合詢岳貢如有異同臣伏妄言之罪周鼎受任于列榮嗣罔績之後修泐河利運自九年來全漕如期乞勅法司公勘上是之初岳貢徵上海積逋首緝中書舍人王陞彥結怨遠薛國觀賍敗陞彥供岳貢餽薛七百金遂逮訊。前戶部尚書侯恂戶部郎中倪嘉慶戍邊以周延儒清獄恂賄之萬金

辛未張猷忠復攻舒城

壬申

癸酉

甲戌

乙亥諭法司許罪人贖戌備賑。寇陷六安

丙子賀一龍左金王馬守應合步騎數萬趨壽州復合敵忠子

六安表時中亦會之時中旋合於自成

丁丑大學士魏照乘罷試御史劉之渤糾之旨未下即奏辨為

御史徐殿臣所劾。命陝西總督孫傳庭保定總督楊文岳

漕運總督孫可法俱聽督師丁啟睿期會協勦

戊寅上御中左門。召考選諸臣四十四人問禦胡寇足兵食

之策無泛襲

己卯



浙江圖書館



浙江圖書館



浙江圖書館

浙江圖書館
015001
015001



浙江圖書館



浙江圖書館

浙江圖書館善本

甲 登記號：005031

一九 年 月 日




Blue Cyan Green Yellow Red Magenta White 3/Color Black


TIFFEN Color Control Patches

© The Tiffen Company, 2007

Centimetres

Inches





Inches 1 2 3 4 5 6 7 8
Centimetres 1 2 3 4 5 6 7 8 9 10 11 12 13 14 15 16 17 18 19

TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black